





ԲԱՅԱՌԻԿ

Կկու



2023

ԻՆՉ Կ'ԸՍԵՆ ՆՈՒԷՐՆԵՐՈՒՆ ԳՈՅՆԵՐԸ ՄԵՐ ԱՆՁՆԱԴՈՐՈՒԹԵԱՆ ՄԱՍԻՆ:

ԸՆՏՐԵՅԷՔ ՁԵՐ ՆԱԽԱՍԻՐԱԾ ԳՈՅՆԸ ԵՒ ՏԵՍԷՔ:

Եթե դուք ընտրեցիք ԿԱՐՄԻՐԸ կը նշանակե, թե դուք ամեն բան կը զգաք ձեր ամբողջ սրտով եւ ազդեցութիւն ունիք ձեր միջավայրին վրայ:

ԿԱՊՈՅՏը կը խորհրդանշէ երկինքն ու ծովը, որոնց պէս դուք յաճախ կրնաք ըլլալ հանդարտ եւ խաղաղ, կամ ուղղակի կարկուտի պէս՝ ամուր եւ ծովուն պէս՝ ալեկոծ:

ԿԱՆԱԶը կը խորհրդանշէ հրաշալի բնութիւնը: Իսկ եթե դուք այս գոյնը ընտրեցիք՝ կը նշանակե որ դուք ապահով եւ յոյսով լեցուն անձ մըն էք, ինչպէս նաեւ դժուարութիւնները շուտով յաղթահարելու կարողութիւն ունիք:

ԴԵՂԻՆը ընտրող անձինք ունին ուշադրութիւն գրաւող անձնաւորութիւն, ճանչցուած են նաեւ իրենց երջանկութիւն սփռող հոգիով եւ աշխոյժ ներկայութեամբ:

ՎԱՐԴԱԳՈՅՆը ունի կանացի յատկութիւն եւ ճանչցուած է իր հանդարտութիւն սփռող յատկութեամբ:

ՆԱՐՆՋԱԳՈՅՆը աշխուժութեան, ջերմութեան, երիտասարդութեան եւ նպատակներու իրականացման ձգտումին գոյնն է:

ՄԱՆԻՇԱԿԱԳՈՅՆը ազնուութիւն եւ հոգիի հարստութիւն խորհրդանշող գոյնն է: Ուրեմն՝ եթէ կը սիրէք այս գոյնը՝ ունիք նշեալ յատկութիւնները:

ՍԵՒը զօրաւոր եւ խորունկ անձնաւորութեան տեր մարդոց գոյնն է: Այս գոյնը ճանչցուած է նաեւ իր բարձրորակ ճաշակով:

ՃԵՐՄԱԿը նախընտրող անձինք, մաքուր եւ անմեղ անձնաւորութիւն ունին: Այս գոյնը նաեւ կը խորհրդանշէ՝ երիտասարդութիւն:





ԻՆՉՊԵՍ ԿՐԻՆՉԸ ԳՈՂՑԱԲ Ս. ԾՆՈՒՆԴԸ

Բժ. Ստու

Բոլոր անոնք, որոնք կ'ապրեն Ովագիւղին մէջ շատ կը սիրեն Ս. Ծնունդի տօնը, բացի Կրինչէն, որ կ'ապրէր Ովագիւղի հիւսիսը: Կրինչ չէր սիրէր Ս. Ծնունդը: Ամբողջ Ս. Ծնունդի շրջանը կ'ատէր ան: Հաճեցէ՛ք չհարցնել թէ ինչո՛ւ: Ոչ ոք գիտէ պատճառը: Հաւանաբար իր գլուխը ճիշդ ձեւով դրուած չէր, կամ հաւանաբար իր կօշիկները շատ նեղ եղած էին, բայց ես կը կարծեմ, որ պատճառը անոր սիրտին սովորականէն երկու անգամ աւելի պզտիկ ըլլալն էր:



- Ահա նորէն իրենց գուլպաները կը կախեն,- մոմռաց ան քմծիծաղով:
- Ս. Ծնունդը վաղն է,- եւ ան իր մատները սեղանին վրայ թմբուկի գաւազաններուն պէս զարնելով մտմտաց,- Ես անպատճառ պէտք է ելք մը գտնեմ, որպէսզի արգիլեմ Ս. Ծննդեան գալուստը:
- Խթման գիշեր թթու հայեացքով Կրինչ կը նայէր իր քարայրէն վար, ատելով բոլոր ովագիւղիները, կը նայէր տաք, լուսաւոր պատուհաններուն: Գիտէր որ ամէն ովագիւղի վարը զբաղած էր մագամուրճ կախելով:
- Բոլոր ովագիւղի աղջիկներն ու տղաքը շատ կանուխ է

զուարթուն պիտի արթնային, պիտի վազէին իրենց նուէրներուն քով: Որմէ յետոյ... օ՛հ, աղմուկ պիտի ըլլար, աղմո՛ւկ, աղմո՛ւկ, աղմո՛ւկ, աղմո՛ւկ: Իր ամենէն ատածը աղմուկն էր, աղմուկը, աղմուկը, աղմուկը:
Յետոյ բոլոր ովագիւղիները՝ մեծ թէ պզտիկ, սեղանին շուրջ պիտի նստէին եւ Ս. Ծնունդ պիտի տօնէին:



Պիտի տօնէին, տօնէի՛ն տօնէի՛ն, տօնէի՛ն, տօնէի՛ն...
Պիտի տօնէին կարկանդակով եւ խորոված հաւով, գորս Կրինչ չէր կրնար հանդուրժել: Ապա անոնք պիտի ընէին բան մը, որմէ Կրինչ կը գարշէր:
Բոլոր ովագիւղիները երկար թէ կարճ, իրարու շատ մօտ կանգնած, Ս. Ծննդեան գանգերու ղողանջին հետ, ձեռք-ձեռքի պիտի սկսէին երգել: Պիտի երգէին, երգէին, երգէին, երգէին եւ երգէին: Եւ որքան Կրինչ կը մտածէր ովագիւղիներուն երգելուն մասին, այնքան աւելի շուտ կ'ուզէր այս ամենուն վերջ տալ:
- Ինչպէ՛ս յիսուներեք տարի հանդուրժած եմ այս ամենուն, ես պէտք է անպատճառ





Կկոլ



2023



արգիլեմ Ս. Ծննդեան գալուստը, բայց... ինչպե՞ս,- բարկացկոտ մտմտաց Կրինչ:

Եւ ան միտք մը յղացաւ, սարսափելի միտք մը: Կրինչ հրաշալի եւ նոյնքան սարսափելի գաղափար մը յղացաւ:

- Միայն եղջերուի մը պէտք ունիմ,- ըսաւ: Եղջերու գտնելը դժուար էր, բայց այդ մէկը

չընկճեց Կրինչը:

- Ո՛չ,- ըսաւ ան,- եթէ եղջերու չգտնեմ՝ ես կը ստեղծեմ հատ մը:

Եւ ան իր շունը՝ Մաքսը, կանչելով կարմիր վզկապ մը անցուց վիզին, եղջիր մըն ալ կապեց անոր գլխուն:

- Ես գիտեմ ընելիքս,- ըսաւ չարախինդ: Կրինչ Կաղանդ Պապուկի հագուստ պատրաստեց եւ խնդա՛ց, խնդա՛ց:

- Ի՛նչ հրաշալի կրինչական հնարք, այս մուշտակով, այս գլխարկով ճիշդ ու ճիշդ Կաղանդ Պապուկն եմ:

Ապա Կրինչ իր հետ առնելով պարապ տոպրակներ, սայլակը նստաւ, Մաքսը կապեց սայլակին եւ սլացաւ Ովագիւղ, ուր բոլորը մշի՛կ-մշի՛կ կը քնանային:

Պատուհաններէն ներս մութ էր: Ձիւնը հանդարտօրէն կը տեղար: Բոլոր գիւղացիները անո՛ւշ- անո՛ւշ կ'երազէին: Կրինչ կանգնեցաւ տնակի մը քով. - Ահա եւ մեր առաջին կայանը,- ըսաւ եւ տոպրակ մը առնելով ծխնելոյգէն վար սահեցաւ: Դժուար էր ծխնելոյգէն սահիլը, բայց եթէ Կաղանդ Պապան կրնար հոնկէ իջնել, ուրեմն Կրինչն ալ կրնար: Ան կրակարանէն տնկեց գլուխը եւ տեսաւ, որ գուլպաներ շարուած են:

- Այս գուլպաները առաջինը պիտի երթան,- ըսաւ ան: Ապա չար ժպիտով դուրս ցատկեց կրակարանէն եւ հաւաքեց բոլոր նուէրները՝ գնդիկով գէնքեր, հեծանիւ, անիւով կօշիկներ, թմբուկներ, բոլորը տոպրակներու մէջ գետեղելով գանոնք ծխնելոյգէն վեր նետեց, այնուհետեւ ան մտաւ խոհանոց եւ սկսաւ խնճոյքի ուտելիքները հաւաքել մանաւանդ կարկանդակներն ու խորոված հաւերը: Ուտելիքներն ալ տոպրակներու մէջ դնելով ծխնելոյգէն վեր դրկեց:

-Եւ հիմա,- ըսաւ ան,- տօնածառը պիտի հաւաքեմ: Երբ կրինչ տօնածառը ծխնելոյգին մէջ կը տեղաւորեր լսեց փոքրիկ ձայն մը, երբ ետեւ դարձաւ տեսաւ որ փոքրիկ աղջկան մըն էր՝ Սինտի Լուն: Սինտին ըսաւ.

- Կաղանդ Պապո՛ւկ, ինչո՞ւ մեր Տօնածառը կը տանիք: Ինչո՞ւ:

Կրինչ իր հագուստով կրցած էր խաբել փոքրիկ աղջիկը, ան շոյեց աղջկան գլուխը գաւաթ մը կաթ տուաւ անոր, ծառը տեղաւորեց ծխնելոյգին մէջ եւ ըսաւ.



5



6





ԲԱՑԱՌԻԿ



2023



- Իմ սիրելի փոքրի՛կ թոռնիկ, միթե՞ չես տեսներ որ այս ծառին լոյսերեն մաս մը արուած են, ես ծառը կը տանիմ աշխատանոցս, որպէսզի նորոգեմ անոր լոյսերը: Յետոյ ետ պիտի բերեմ: Եւ Կրինչ բարձրացաւ ծիսելոյզէն, ան նոյնիսկ տարաւ կրակարանի փայտերը, իր ետին ձգեց փշրանք, որ միայն մուկ մը կը կշտացնէ:

Կրինչ նոյնը ըրաւ մնացեալ գիւղացիներուն տուներէն ներս, լոկ մուկերուն համար փշրանք ձգելով...

Արեւածագէն քառորդ ժամ առաջ էր...

Բոլոր ովագիւղցիները դեռ քնացած էին, երբ Կրինչ իր սահնակը նուէրներով լեցուց եւ սկսաւ բարձրանալ: Հագար քայլ քայլած էր Քրամփիթ լեռն ի վեր, ուրկէ վար պիտի նետեր բոլոր նուէրները:

- Բո՛ւհ, բո՛ւհ, բոլոր գիւղացիները այսօր պիտի արթննան եւ պիտի տեսնեն, որ Ս. Ծնունդ չկայ: Երբ արթննան եւ գիտեմ, թէ ի՞նչ պիտի ընեն: Իրենց բերանները պիտի բանան, մէկ-երկու վայրկեան այդպէս պիտի մնան, ապա բոլոր ովագիւղցիները պո՛ւ, պո՛ւ պիտի լան:

Կրինչ աղմուկ մը լսեց, կանգնեցաւ պահ մը որ աւելի լաւ լսէ գայն: Աղմուկը ձիւներէն վեր կը բարձրանար, հանդարտօրէն սկսաւ բարձրանալ, ապա զօրացաւ: Բայց ձայնը տխուր չէր: Ինչո՞ւ այդ ձայնը ուրախ կը հնչէր: Պետք չէ այդպէս հնչէր: Ձայնը ուրախ էր, շա՛տ ուրախ:

Ան նայեցաւ Ովագիւղին, աչքերը շփեց, թարթեց եւ ինչ որ տեսաւ շատ մեծ անակնկալ մըն էր իրեն համար:

Բոլոր ովագիւղցիները երկար թէ կարճ, կ'երգէին: Առանց նուէրներու: Կրինչ ՉԷՐ ԿՐՑԱԾ Ս. ԾՆՆԴԵԱՆ ՏՕՆԸ ԳՈՂՆԱԼ: Ս. ԾՆՈՒՆԴԸ ԵԿԱԾ ԷՐ:

Եւ Կրինչ ձիւներէն մեջ սառած ոտքերով կանգնած մնաց:

- Ինչպե՞ս կրնայ ըլլալ,- խորհեցաւ Կրինչ,- Ս. Ծնունդը եկած է առանց ժապաւեններու, առանց նուէրներու, առանց պարկերու:

Ապա Կրինչի միտքէն արտասովոր բան մը անցաւ:

- Հաւանաբար Ս. Ծնունդը նուէրներով չէ որ կու գայ: Հաւանաբար Ս. Ծնունդը աւելի մեծ իմաստ ունի:

Եւ ի՞նչ պատահեցաւ այդ օր: Ովագիւղցիները կ'ըսեն որ Կրինչին սիրտը երեք անգամ աւելի մեծցաւ այդ օր: Եւ երբ անոր սիրտը այլեւս նեղ չէր՝ ան արեգակի շողերուն հետ վերադարձուց բոլոր նուէրները, ծառերն ու ուտելիքները: Եւ ան, Ս. Ծննդեան առթիւ, ինքն իր համար խորոված հաւ պատրաստեց:

*Անգլերէնէ թարգմանեց՝
Վեհան Պարսումեան*





**ԵԿԷՔ ԱՅՍ ՏԱՐԻ ՄԵՐ
ՏՕՆԱՃԱՌԻՆ ՓԱՅԼՈՒՆ
ԱՍՏՂԸ ՄԵՐ ՉԵՌԲԵՐՈՎ
ՊԱՏՐԱՍՏԵՆՔ**



Չետելիք քայլերուն:

- 1- Հաստ թուղթի մը երկու երեսները մեր նախասիրած գոյնի ջրաներկով ներկենք:
- 2- Երկու երեսները չորնալէն ետք, խեժ դնենք թուղթին վրայ եւ անոր վրան փայլք սրսկենք:
- 3- Կարկինը 15 ս.մ չափով բանակք եւ կլոր մը գծենք թուղթին ճիշդ մէջտեղը, կէտին տեղը պահելով:
- 4- Նկարին համեմատ չորս հաւասար երկարութեամբ գիծեր գծենք՝ մէջտեղի կէտէն անցնելով:
- 5- Նկարին համեմատ ուրը հաւասար կարճ գիծեր գծենք: (Իւրաքանչիւր երկու երկար գիծի միջեւ՝ մէկ կարճ գիծ):
- 6- Աստղին շրջանակը գծենք, իւրաքանչիւր կարճ գիծի






վերջաւորութիւնը երկար գիծերուն վերջաւորութեան միացնելով:

7- Աստղին մարմինը մկրատով կտրելէն ետք, սուր մատիտով մը անցնիկք գծուած գիծերուն վրայէն, առանց աստղը կտրելու:

8- Որպէսզի մեր աստղը Էական ձեւ մը ստանայ, երկար գիծերը՝ դէպի վեր, իսկ կարճ գիծերը՝ դէպի վար ծալենք ամրութեամբ:

9- Նկարին մէջ տեսնուած խիսունջին նման խիսունջ մըն ալ մենք խեժով փակցնենք մեր գեղեցիկ աստղին վրայ, որ արդէն կազմուեցաւ ու երկար մատիտով մը անոր յարմարագոյն կեցուածքը տանք:





Ո՛Վ Է ԿԱՂԱՆԴ ՊԱՊԱՆ

Նիքոլաս անունով հարուստ մարդ մը կ'ապրեր Յիւսիսային բեւեռը: Ան ազնիւ եւ առատաձեռն մարդ մըն էր: Նիքոլասի համար անսահման հաճոյք էր մարդոց անակնկալ նուէրներով ուրախացնելը: Ան ուներ նաեւ յատուկ նախասիրութիւն մը, որ փայտով պատրաստուած խաղալիքներ շինելն էր:

Կաղանդի օրը կը հասնի: Նիքոլաս կ'ուզէ յատուկ ձեւով ուրախացնել իր շուրջ գտնուող փոքրիկները: Առաւօտուն իր աթոռին վրայ նստած պահուն, յանկարծ միտք մը կը յղանայ: Կ'որոշէ շա՛տ-շա՛տ մեծ թիւով փայտէ խաղալիքներ պատրաստել եւ գիշերը տուներուն ծխնելոյզէն իջնելով, այդ խաղալիքները մէկիկ-մէկիկ գետեղել կրակարաններէն կախուած իւրաքանչիւր փոքրիկի գուլպային մէջ:

Գիշերը կը հասնի, ժամը այլեւս ուշ է եւ Նիքոլաս անհամբեր կը սպասէր որ բոլորը քնանան, իսկ երբ կը քնանան, ան կը բարձրանայ առաջին տան տանիքը եւ ծխնելոյզէն վար ցատկելով նուէրները կը դնէ կրակարանէն կախուած փոքրիկներուն գուլպաներուն մէջ: Այսպէս, ան կ'այցելէ եօթ տուն, սակայն շա՛տ կը յոգնի: Կ'որոշէ հանգչիլ, որպէսզի դարձեալ իր ուժը հաւաքէ եւ շարունակէ փոքրիկներուն նուէրները բաժնել: Բայց այս ձեւով կարելի չէր բոլորին ճիշդ ժամանակին նուէրները հասցնել: Ուստի՝ Նիքոլաս

տուն կը վերադառնայ եւ կը դիմէ իր եղնիկներուն, որպէսզի օգնեն զինք նուէրները բաժնելու: Ան իր նուէրներով լի պարկը կը դնէ սայլակին մէջ եւ եղնիկներուն կը կապէ ու դարձեալ ճամբայ կ'ելլէ:

Ամէն կողմ ձիւն կը տեղար: Նիքոլաս եւ եղնիկները տակաւին շա՛տ քիչ ճամբայ կտրած էին, երբ վա՛յ, սայլակը կը մխրճուի ձիւնին մէջ: Սակայն Նիքոլաս, առանց վիատելու, կը փորձէ այդ սայլակն ու եղնիկները միասին դուրս բերել հաւաքուած ձիւնին մէջէն: Մինչ կը քաշէր, կը քաշքշէր, յանկարծ հրեշտակ մը կը յայտնուի իր դիմաց եւ կ'ըսէ.

- Նիքոլա՛ս, դուն բարի մարդ ես: Կ'ուզեմ քեզի օգտակար դառնալ:





Այս կ'ըսե՛, եւ կը դպչի եղնիկներուն:
 Նիքոլաս ապշած կը նայի եղնիկներուն,
 որոնք կը սկսին վեր բարձրանալ եւ
 կը պատրաստուին թռչելու:

Այժմ՝ այս եղնիկները յատուկ դարձան ու
 պիտի կարողանան թռչիլ,- կը շարունակէ
 Հրեշտակը:

Ապա, Հրեշտակը իր ձեռքը կը շարժէ ու
 Նիքոլաս ի՛նչ տեսնէ... խումբ մը կանաչ
 հագուստներ հագած, երկար կարմիր
 գլխարկներով ու ծիծաղելի երկար
 ականջներով գաճաճներ:

- Այս գաճաճները արագ աշխատող
 օգնականներ են: Անոնք կրնան շուտով բոլոր
 տեսակի նուէրներ պատրաստել եւ հասցնել
 փոքրիկներուն տուները,- կ'ըսէ հրեշտակը
 Նիքոլասին:

Նիքոլաս ապշած վիճակի մէջ էր տակաւին:
 Անոր ուրախութիւնը անսահման էր:
 Այսպիսով՝ բոլորը միասին սալլակին մէջ

կը տեղաւորուին եւ եղնիկներուն
 հետ կը սուրան դէպի երկինք, Նոր Տարուան
 շունչը տարածելու ամեն տեղ:

Նիքոլաս կ'ըսէ.

- Շնորհաւոր Նոր Տարի՛, բոլորին ըլլայ բարի՛...
 Յաջորդ առաւօտ, փոքրիկները կ'արթննան եւ
 կը մօտենան կրակարաններուն, անոնք հետաքրքրութեամբ
 նուէրները գուլպաներէն դուրս կը հանեն եւ
 գուարճութեամբ կը գոչեն.

- Ի՛նչ գեղեցիկ է մեր նուէրը: Ի՛նչ հետաքրքրական է
 մեր նուէրը...

Ուրեմն՝ սիրելի՛ փոքրիկներ, ասիկա
 Նիքոլասին պատմութիւնն է, որ ինչպէ՛ս
 տարիներուն ընթացքին, մեր բոլորին շատ
 սիրելի Կաղանդ Պապուկը դարձաւ:





ԲԱՅԱՌԻԿ



2023

ԿԱՂԱՆԴ ՊԱՊՈՒԿԻՆ ԿՈՐՍՈՒԱԾ ԵՂՆԻԿԸ

Նոր Տարուան մէկ օր մնացած էր, միայն մէկ օր, երբ Կաղանդ Պապուկը շուարած էւ անապարանքով յայտնուեցաւ մեր տան դիմաց: Դուռը թակե՛ց ու թակե՛ց, ծեծե՛ց ու ծեծե՛ց, իսկ երբ պատասխան չառաւ, դուռը հրեց ու ինքզինքը ներս գտաւ: Ան հեւալով պատին կռթնեցաւ եւ ըսաւ.

- Եղնի՛կս, եղնի՛կս կորսուա՛ծ է: Ես ալ դուռ-դուռ գինք կը փնտռեմ: Ներեցէ՛ք սիրելիներ, այսպէս ներս մտնելուս համար, բայց ես շա՛տ տխուր, շուարած ու կորսուած եմ եղնիկիս պատճառով: Կը տեսնե՞ք, նոյնիսկ Կաղանդ Պապան կրնայ տխուր օր ունենալ: Անցեալ շաբաթ, սկսայ նոր եղնիկ մը մարզել, որովհետեւ հիները յոգնեցա՛ն, պաղեցա՛ն եւ ըսին, թէ այլեւս իրենց կռնակները կը ցաւին: Ես ունէի նոր, դեղին ու լուսաւոր քթիկով, խելացի եւ արագաշարժ եղնիկ մը, որ սայլիս առաջնորդութիւնը ստանձնած էր, սակայն



ահա՛ ան կորսուած է հիմա: Ըսէ՛ք ինծի, ի՞նչ ընեմ, որպէսզի հասնիմ մնացած բոլոր նուէրները ճիշդ ժամանակին հասցնելու աշխարհի տարբեր մասերը գտնուող փոքրիկներուն: Ա՛խ, Պաքին կորսուա՛ծ է: Ես ալ այլեւս շա՛տ ծեր եմ այս գործը ամբողջովին առանձին կատարելու: Կ՛աղաչեմ ձեզի, օգնեցէ՛ք, Պաքին տակաւին նոր կը սորվի, հաւանաբար փորձանքի մը հանդիպի, օգնեցէ՛ք որպէսզի միասնաբար գտնենք զինք եւ մեր գործը լիովի կատարենք: Ուրեմն՝ խնդրե՛մ, արա՛գ...

Այսպիսով՝ ես եւ մայրիկս, Կաղանդ Պապուկին հետ միասին տեղաւորուեցանք բռնասայլին մէջ: Իսկ միւս ուրջ եղնիկները՝ հանգչեցան մեր տաքուկ կառատան մէջ, մինչ մեր վերադարձը:

Կաղանդ Պապուկը ըսաւ.



- Չմոռնանք որ Պաքին դեղին քիթը լոյս կ'արձակէ: Պէտք է ամեն գնով գտնենք զինք...

Միասին ճամբայ ելանք Պաքին փնտռելու, միշտ յուսալով, որ անոր դեղին քթիկը մեզի պիտի օգնէ աւելի դիւրին նշմարելու զինք զօրաւոր ձիւնամրրիկին մէջէն: Երկա՛ր քիլոմէթրեր կտրելէն ետք, յանկարծ այդ մութ գիշերուան մէջ նկատեցինք եղջիւր մը, որ լոյսի մէջ կը փայլէր: Ահա հո՛ն կեցած էր խեղճ Պաքին, ամբողջովին կորսուած, սառած, որուն մուշտակը նոյնիսկ ձիւնով ծածկուած էր: Կաղանդ Պապուկը անմիջապէս իջաւ սայլակէն, խրթխրթան ձիւնին մէջ կոխելով ըսաւ.

- Օ՛հ, որքան երջանիկ եմ Պաքին փայլուն լոյսը տեսնելով: Եկո՛ւր, Պաքի՛,- կանչեց ան:

Պաքին եւ Կաղանդ Պապուկը շա՛տ ուրախացան: Կաղանդ Պապուկին այտերը վերստին կարմրեցան Պաքին բացակայութեան ընթացքին դեղնած ըլլալէն ետք, եւ աչքերը ուրախութեան արցունքներով լեցուեցան:

Բայց Պաքին մինչեւ ոսկորները սառած էր:

- Պէտք է ջերմացնենք Պաքին,- ըսաւ մայրիկս,- ուրեմն, եկէ՛ք զինք տուն տանինք:

Առինք Պաքին, բերինք զինք մեր տունը եւ հալեցուցինք մուշտակին վրայ կուտակուած ձիւնը, ետքը, Կաղանդ Պապուկին միւս ութ եղնիկները դուրս ելան, ողջունեցին

Պաքին եւ պատրաստուեցան շարունակելու իրենց ճանապարհը:

Սակայն Կաղանդ Պապան մեկնելէն առաջ, նայեցաւ ինծի եւ ըսաւ.

- Կ'ուզեմ գիտնաս, որ ես իսկապէս

կը սիրեմ Պաքին: Ան շատ լաւ եղնիկ մըն է: Երբ կորսուեցաւ, շատ մեծ տխրութիւն եւ վախ պատճառեց ինծի: Շա՛տ շնորհակալ եմ ձեր

ցուցաբերած օգնութեան համար, շատ շնորհակալ եմ ամեն ինչին համար:

Այս ըսաւ Կաղանդ Պապան ու աճապարանքով մօտեցաւ տան դրան ու դուրս ելաւ: Սակայն հագիւ դեռ նոր ելած էր, վազելով ետ դարձաւ, մինչեւ կզակին հասնող խոշոր պարկ մը լի նուէրներով: Ան մօտեցաւ մեր տան տօնածառին եւ ամբողջ պարկը այդտեղ պարպեց:

Իսկ հիմա ժամանակը հասաւ

Կաղանդ Պապուկին մեկնելուն: Ան

սիրելի Պաքին իր հետ առաւ ու

եղնիկներուն հետ վեր

բարձրանալով գոչեց,

«ՇՆՈՐՀԱՒՈՐ ՆՈՐ ՏԱՐԻ՛»:

Գլուխս պատուհանէն դուրս հանեցի ձիւնոտ գիշերուան մէջ եւ տեսայ Պաքին դեղին ու փայլուն լոյսը, որ ամբողջ երկնքին ճամբան կը լուսաւորէր...



ՆՈՐ ՏԱՐՈՒԱՆ ՆՈՒԵՐԸ

ԲՈՅՍԱՌԻԿ



2023

Միհրանն ու մայրիկը ամեն տարուան 31 Դեկտեմբերին կը ստանձնէին ընտանիքին նուէրներ գնելու պարտականութիւնը: Միհրան շատ մեծ հաճոյքով կը կատարէր այդ գործը:

- Այս գործը յոգնեցուցիչ է, սակայն՝ շա՛տ հաճելի, իսկ նախասիրած բաժինս զանոնք գոյնզգոյն թուղթերով ծածկելն է,- կ'ըսէր ան յաճախ:

- Ուրեմն՝ այս տարի եւս այս պարտականութիւնը քեզի պիտի յանձնեմ, Միհրան,- ըսաւ մայրիկը:

- Շատ սիրով, մայրի՛կ,- պատասխանեց Միհրան եւ միասին ուղղուեցան դէպի շուկայ:

Անոնք այս տարի եւս, սովորականին պէս իրենց նախասիրած խաղալիքներուն շուկան գացին եւ իւրաքանչիւրին համապատասխան նուէրներ ընտրեցին:

Երբ աւարտեցին, անոնք վերադարձի ճամբան բռնեցին: Սակայն ճամբուն վրայ Միհրան տեսաւ իր տարիքին մօտիկ, հին զգեստներով փոքրիկ մը, որ մոմ կը ծախէր: Ան կ'առաջարկէր Միհրանին, մայրիկին եւ բոլոր անցորդներուն, որպէսզի մոմ գնեն իրմէ: Ամեն մարդ չէր մօտենար, սակայն Միհրան այդ փոքրիկներէն էր, որ չէր ուզեր անտարբէր կեցուածք մը ցուցաբերել:

- Մայրիկս շինած է այս մոմերը: Ես ալ կը փորձեմ ծախել զանոնք, որպէսզի այսօր՝ Նոր Տարին ընդունելու ժամանակ,

մոմերուն գինով ընթրիք ապահովենք մեզի,- ըսաւ անծանօթ փոքրիկը:

- Օ՛հ, մայրի՛կ, ինչպէս ան Նոր Տարուան օրով, այս ձիւներուն մէջ նստած կը փորձէ ընտանիքին ընթրիքին գումարը ապահովել,- ըսաւ Միհրան սրտի կսկիծով:

- Լա՛ւ, ես բոլոր մոմերդ գնելու պատրաստ եմ,- ըսաւ մայրիկը անծանօթ փոքրիկին,- պայմանով՝ որ այսօր իրկուս մեր տունը գաս եւ մեզի հետ ընթրես:

- Բա՛յց, ես... ը՛, ես...

- Կրնա՛ս մեզ ձեր տունը առաջնորդել: Կ'ուզեմ ծանօթանալ ընտանիքիդ,- շարունակեց Միհրանին մայրիկը:

- Այո՛, իսկապէ՛ս կ'ուզենք ընտանիքիդ ծանօթանալ: Ո՛ւր է ձեր տունը,- հարցուց Միհրանիկ:

- Անունս ճորճ է, իսկ տունս այստեղ է,- պատասխանեց փոքրիկը եւ ցոյց տուաւ յարդերով շինուած փոքր խրճիթ մը:

Միհրանը, մայրիկն ու ճորճը ուղղուեցան ճորճէնց





բնական վայրը: Անոնք ճորճին առաջնորդութեամբ
ներս մտան եւ տեսան մայրիկը, որ նորածին քոյրիկը
շալկած կը քնացներ: Միհրանին մայրիկը ինքզինք
ծանօթացնելէ ետք, ճորճին մօր առաջարկեց որ
միանան իրենց, միասնաբար դիմաւորելու Նոր Տարին:

- Օ՛հ, դուք շատ ազնիւ եք, տիկի՛ն, ճորճը իր հայրը
կորսնցուցած է քանի մը ամիս առաջ եւ հիմա՛ ստիպուած
ամբողջ օրը փողոցը կ'անցընէ մեզի ուտելիք ապահովելու
համար: Ան ամէն տարի կը սպասեր Կաղանդ Պապուկին,
որ այս տարի կորսնցուցած է մեր տան ճամբան,- ըսաւ
ճորճին մայրիկը:

- Ճորճ, խնդրե՛մ, եկե՛ք մեր տունը: Վստահ եմ, որ միասին
շատ լաւ ժամանակ պիտի անցընենք: Քեզի համար ալ
անակնկալներ ունիմ,- ըսաւ Միհրանիկ խանդավառութեամբ:

- Լա՛ւ, խնդրեմ մէկ վայրկեան տուե՛ք մեզի, որպէսզի
պատրաստուինք եւ միանանք ձեզի,- պատասխանեց ճորճին
մայրը, ապա անոնք միասնաբար շարունակեցին իրենց
ճամբան ու հասան Միհրանիկէնց տունը:

Ճորճ առաջին անգամ ըլլալով տօնածառ շտկեց
Միհրանիկին օգնութեամբ ու անոր տակ գոյնզգոյն
լոյսերով պատրաստուած մսուրը գետեղեց: Ետքը՝
նստան սեղանին շուրջ ու այդ գիշեր երկու
ընտանիքները միասին համեղ ընթրիքը
ըմբռնեցին: Շատ չանցած, Միհրանիկին

մայրը կաղանդ Պապուկի հագուստներով ծալտուած ներս
մտաւ եւ բոլորին սրտերը ջերմացուց գեղեցիկ նուէրներ
բաժնելով: Բոլորը շա՛տ ուրախ էին, իսկ ճորճ՝ աչքերուն
չէր հաւատար: Ան երբուրնէ՛ այսքան ուրախ չէր եղած: Երբուրնէ՛
նուէր չէր ստացած: Անսահման էր նաեւ ճորճին մօր ուրախութիւնը: Ան
իր գաւակները զուարթ, կուշտ եւ հանգիստ տեսնելով ըսաւ.

- Շնորհակալութիւն, սիրելիներ: Ձեզի նման մարդիկ քիչ են աշխարհի
վրայ: Կը մաղթեմ, որ ձեր ալ փափաքները իրականանան եւ սրտերը
միշտ ջերմ մնան:

- Ձեզի ալ շնորհակալութի՛ւն, որ չմերժեցիք մեր հրաւերը եւ
ճոխացուցիք մեր օրը: Մենք միշտ պատրաստ ենք ձեզ ընդունելու,-
գոհունակութեամբ պատասխանեց Միհրանիկ մայրիկը:

- Կրկին շնորհակալ ենք: Շնորհաւո՛ր Նոր Տարի եւ Սուրբ Ծնունդ
ձեր բոլորին,- ըսաւ ճորճին մայրիկը եւ գաւակներուն հետ տուն
վերադարձաւ:

- Մայրի՛կ, ես շատ երջանիկ եմ, որ մենք այս օրով
ընտանիք մը ուրախացուցինք,- ըսաւ Միհրանիկ:

- Փոքրի՛կս, դուն գիտե՞ս, որ աշխարհին չորս կողմը
կան մարդիկ, որոնք պատառ մը հաց իսկ չունին ուտելու
համար: Այս պատճառով ալ, մենք միշտ պէտք է
օգտակար դառնանք անոնց, ամէն անգամ որ առիթ
կը տրուի մեզի: Առնելը ուրախութիւն է, իսկ տալը՝
շա՛տ աւելին...:





ԽԱՂԵՐ



2023

Տալ՛ եւ լուծ՛:

Ամանորեան բառերը ամբողջացո՛ւր եւ անոնցմով գեղեցիկ Նախադասութիւններ կազմ՛:

Ս. Ծ----ն

Կ----ն
Պ----կ

Տ----ն

Ե----կ

Զ----կ

Ձ----ն

Ա-ձ-----ն

Ն----ր

Նախադասութիւններ:

- 1.-
- 2.-
- 3.-
- 4.-
- 5.-
- 6.-
- 7.-
- 8.-

Հարցումներուն պատասխանելով, լուծ՛ հետեւեալ խաչբառը:

- 1.- Համեղ խմորեղէն:
- 2.- Բոլորին սիրելի անձնաւորութիւն մը՝ որ կ'այցելէ տարին մէկ անգամ:
- 3.- Կաղանդ Պապան ունի ճերմակ
- 4.- Ամէն Նոր Տարի, մենք հետաքրքրութեամբ կը պատռենք անոր թուղթը:
- 5.- Կը կախենք կրակարանին վրայ:
- 6.- Տարուան վերջին ամիսը:
- 7.- Յունուար 6:
- 8.- աշխարհին:





Նշուած բառերը սիւնակներէն ջնջելով գտի՛ր պահուած բառը եւ գրէ՛ զայն:
Սալլակ, Չամիչ, Կաղին, Ամանոր, Կաղանդ

Տ	Ս	Ա	Յ	Լ	Ա	Վ
Օ	Չ	Ա	Մ	Ի	Չ	Ն
Վ	Ա	Ղ	Ի	Ն	Ա	Ծ
Ա	Մ	Ա	Ն	Ո	Բ	Ա
Ռ	Վ	Ա	Ղ	Ա	Ն	Գ

Որոշէ՛ ճիշդ է, թէ՛ սխալ, ապա, սրբագրէ՛ սխալ նախադասութիւնները:

- 1.- Նոր Տարին կը սկսի Դեկտեմբեր 31-ին: -----
- 2.- Յիսուս ծնաւ Ս. Ծննդեան օրը: -----
- 3.- Նոր Տարին կու գայ աշնան: -----
- 4.- Նոր Տարուան ընթացքին, արձակուրդներ կ'ըլլան: -----
- 5.- Կաղանդ Պապան կ'ապրի հիւսիսային բեւեռը: -----
- 6.- Կաղանդ Պապան եղնիկներ ունի:-----
- 7.- Կաղանդ Պապան նուէր կը բերէ չարերուն: -----
- 8.- Մանուկները նամակ կը գրեն տօնածառին: -----



Կրնա՞ս երկու նկարներուն միջեւ գտնել 15 տարբերութիւններ:





Օգնե՛ կաղանդ պապուկին՝
ծխնելոյգէն վար իջնելու:



Ձիւնեմարդուն երգը

ԵՍ ՓՈՔՐԻԿ ՁԻՆԵՄԱՐԴ ԵՄ

Ես փոքրիկ ձիւնեմարդ եմ,
Գիրուկ, կլո՛ր-մլո՛ր եմ,
Արեւուն տակ՝ չեմ խաղար,
Որպէսզի կեանքս՝ ըլլայ երկար...

Կրնա՞ս լուծել:

7 - 3 = + 2 =

 + 5 = - 4 =

 = = = =

+ 1 = 6 + =

- 2 = - + 4 =

 = = = =

- 2 = + 3 = 5 - 3 =

 = = = =

2 + = - 5 =

- 3 = - 3 + = 5 =

 = = =

+ 4 = + =

 = =

Օգտուելով հետեւեալ բառերէն, ամբողջացո՛ւր Յակոբին նամակը՝ ուղղուած Կաղանդ Պապային:

Յակոբ, եօթը, ընտանիքիս, Սուրիոյ, քոյր, եղբայր, հնազանդ, աշխատասեր, ուսուցիչներուն, յաջողութիւն, խաղաղութիւն

Սիրելի՛ Կաղանդ Պապա,
Իմ անունս է: Ես տարեկան եմ: Կ'ապրիմ ---
..... հետ, մէջ: Ունիմ մէկ եւ մէկ

Այս տարուան ընթացքին ես շա՛տ եւ փոքրիկ
մըն էի, ծնողքիս եւ բնա՛ւ չյոգնեցուցի:

Այս տարի մաղթանքներս տարբեր են անցնող տարիներէն: Կ'աղաչե՛մ,
Կաղա՛նդ Պապա, երբ որ մեր քով հասնիս, հետոյ բերես ընտանիքիս՝
ուրախութիւն, ընկերներուս՝ եւ աշխարհիս՝

Սիրով եւ կարօտով քեզ սպասող՝
Յակոբ





ՁԵՌԱՅԻՆ ԱՇԽԱՏԱՆՔ

Եկէ՛ք միասին պատրաստենք ճերմակ գուլպայով ձիւնեմարդ մը ու կախենք զայն տօնածառին վրայ:


- Պէտք ունինք հետեւեալ իրերուն:
- ճերմակ փափուկ գուլպայ մը:
 - Բրինձ
 - Փոքրիկ կոճակներ
 - Չորասեղ աչքերուն եւ քթիկին համար
 - Փոքր կտոր վզնոցին համար
 - Խեժ

Սկսի՛նք...

- Գուլպան կտրել այնպէս, ինչպէս ներկայացուած է նկարին մէջ:
- Կտրուած բաժինը կարել:
- Գուլպան լեցնել բրինձով եւ վերի մասէն թելով կապել:
- Չորասեղով ձիւնեմարդուն աչուկներն ու քթիկը տեղադրել եւ կոճակները ամրացնել:



Ո՞ր Կաղանդ Պապուկը տարբեր է: Ա, Բ թէ Գ:



ՀԱՐՑ-ՊԱՏԱՍԽԱՆ

- 1.- Ո՞ր երկիրէն յառաջացած է այսօրուան տօնածառ զարդարելու համաշխարհային ավանդութիւնը:
- 2.- Ե՞րբ յայտնուած է առաջին տօնածառը:
- 3.- Ինչո՞վ պատրաստուած էին առաջին արհեստական տօնածառերուն տերեւները:
- 4.- Ո՞ր յայտնի գիտարարին օգնականները, տօնածառը լոյսերով զարդարելու միտքը յղացան:

ղտվտժ ոտրսթ -4
 :ղվւսիմեղ մի ?ողոկ թղսսս 'ղւմեղմիստեփ ռսմեթոլ -3
 1061 -2
 տվղոմմեթ -1
 մեղղոմոմտոտ





ՁԱԳՈՒԿՆԵՐՈՒՄ ՆԱՄԱԿՆԵՐԸ ԿԱՂԱՆԴ ՊԱՊԱՅԻՆ

Շնորհալուր Նոր Տարի եւ Սուրբ Ծնունդ:

Ինչպէս ամէն Տարի, այս տարի եւս անհամբեր կը սպասեմ քեզ: Գիտեմ որքա՛ն կը սիրես մանուկները, եւ կ'ուզես բոլորը ուրախացնել:

Այս տարի շատ աշխատասեր եւ հնազանդ եմ, թե՛ տունը եւ թե՛ դպրոցը: Կը խնդրեմ քեզմէ, որ ինձի բերես գեղեցիկ iPad մը:

Կաղա՛նդ Պապա, կը մաղթեմ, որ Նոր Տարուան ընթացքին աշխարհի բոլոր մանուկները ուրախանան:

Գեորգ Սարգիսեան
2. կարգ

Ազգ. Միացեալ Ճեմարան (Դամասկոս)

Սիրելի՛ Կաղանդ Պապուկ,
Կը մաղթեմ, որ 2023-ին աշխարհը խաղաղ ըլլայ:
Նաեւ կը փափաքիմ, որ շատ մը հիւանդութիւններու թժկութիւն ու դարման գտնուի:

Ինչպէս նաեւ կ'ուզեմ, որ բոլորիս բերես ուրախ եւ հաճելի օրեր:

Անհամբեր կը սպասեմք քեզի:

Բարտի Գասպարեան
Ե. կարգ

Ազգ. Միացեալ Նախակրթարան (Հալեպ)



Սիրելի՛ Կաղանդ Պապա,
Ես կը փափաքիմ, որ 2023 թուականը ըլլայ յաջողութեամբ եւ առողջութեամբ լի տարի մը: Աշխարհին մէջ միշտ խաղաղութիւն ըլլայ եւ պատերազմ չըլլայ, գէշ օրերը մնան 2022 թուականին մէջ եւ Աստուած հեռու պահէ մեզմէ բոլոր դժբախտ եւ չար օրերը:

Կ'ուզեմ յայտնել քեզի այս տարուան վերջին փափաքս. բոլոր մարդոց երազանքները թող կատարուին եւ բարի տարի մը թող ըլլայ: Անհամբեր կը սպասեմ, որ գաս եւ բոլոր փոքրիկները ուրախացնես: Ես քեզ շատ կը սիրեմ:

Լիանա Ասատուրեան
2. կարգ
Ազգ. Միացեալ
Նախակրթարան (Հալեպ)

Սիրելի՛ Կաղանդ Պապա,
Ես քեզ շատ կը սիրեմ եւ անհամբեր եմ քեզ դիմաւորելու: Իմ փափաքն է, որ այս տարի՝ 2023-ին, լաւ, առողջ եւ յաջող տարի մը ըլլայ բոլոր փոքրիկներուն համար, նաեւ կ'ուզեմ որ Հայաստանը պահպանես թշնամիներէն եւ առիթ չտաս, որ անոնք մտնեն եւ գրաւեն զայն: Կաղա՛նդ Պապա, քեզմէ խնդրանք մը ունիմ՝ մեր նուէրներն աւելի մեծ նուէրներ բեր Հայաստանի ու Արցախի փոքրիկներուն եւ ուրախացո՛ւր զիրենք:

Գառնի Պետրոսեան
2. կարգ

Ազգ. Միացեալ Նախակրթարան
(Հալեպ)

Սիրելի՛ Կաղանդ Պապա,
Ահաւասիկ մօտեցաւ մեր շա՛տ-շա՛տ սիրելի տօնը՝ Կաղանդը: Տօնածառին լոյսերը կը փայլին, աստղերը կը պսպղան, իսկ խաղալիքները կը փայլփլին: Կաղա՛նդ Պապա, ես անհամբեր կը սպասեմ քեզի, որպէսզի գեղեցիկ նուէրներովդ ուրախացնես մեզ եւ քու ներկայութեամբ ջերմացնես մեր հոգիները՝ նոր յոյսերով ու երազներով դիմաւորելու Նոր Տարին:


Մաղթանքս է, որ նոր Տարին իր հետ բերէ երջանկութիւն, առողջութիւն եւ յաջողութիւն բոլոր մարդկութեան:

Արփի Ճանսրզեան
2. կարգ

Ազգ. Միացեալ Ճեմարան (Դամասկոս)



ՆԱՄԱԿ ԿԱՂԱՆՂ ՊԱՊԱՅԻՆ



Բարե՛ւ Սիրելի Կաղանղ,
Օրացոյցին թերթիկները մեկիկ-մեկիկ փրցուցինք, հասանք
Դեկտեմբերին:

Առանց բացառութեան մեծ ու փոքր քեզի կը սպասենք
անհամբեր:

Շուտով արդէն Ամանոր է:
Թէեւ վաղուց արդէն փոքր չենք,
Բայց իւրաքանչիւրս ունի ցանկութիւն եւ երազանք,
Քեզի կը դիմենք աւանդոյթ դարձած նամակ գրելով,
Ու կը հաւատանք, որ կ'իրականացնես մեր փափաքները
բարի հոգիով:

Մէկ ամիսէ ի վեր խանութ, տոնածառ զարդարուած են քաղաքի տարածքին,
Երեխաները անհամբերութեամբ կը սպասեն Կաղանղի գիշերին,
Որ ստանան Կաղանղ Պապային բերած,
Ամանորի ծառին տակ դրած՝ նուէրները թանկագին:

Հիմա կարգն է իմ ցանկութեան, որ յատուկ է, արդիական,
Ի՞նչպէս զսպել չարկամութիւն, ու սերմանել սեր, միութիւն,
Մարդիկ շատ են չարացած, յարգանք, ակնածանք չէ մնացած,
Նիւթի, նիւթականին գերի դարձած,
Ազգ, ազգութիւն, հաւատք, կրօնք ետին թողած,
Հող, Հայրենիք ծախու հանած...:

Ընթերցողներ, եկէք դիմենք ու հաւատանք Ամանորին,
Որ ունակ է վերջ դնելու այս բոլորին...

Ո՛վ ճերմակ մազով ու մօրուքով, հրաշագործ Կաղանղ Պապա,
Ծանր բեռը առած ուսիդ, կը շրջիս երկրէ-երկիր, կու տաս խրատ, կու տաս ընծայ,
Եթէ կը յիշես, ամէն տարի քեզի նամակ կը գրեմ ես,
Ու անձկութեամբ կը սպասեմ, որ ցանկութիւններս ամբողջութեամբ կատարես:

Աղերսելով՝ Աստուծոյ եւ քեզի կը դիմեմ,
Մեր ժողովուրդը յուզող խնդիրները լուծել կը խնդրեմ,
Հայաստանին, Արցախին, Սփիւռքին բաշխեցէք կայուն միասնութիւն,
Հայրենիքիս, ողջ աշխարհին խաղաղութիւն,
Տարաբախտ ազգիս՝ ՀԱՄԱՅՔ, ՍԵՐ, ԵՐԶԱՆԿՈՒԹԻՒՆ:

Աւօ ճերմակեան
Թ. կարգ

Ազգ. Ս. Նահատակաց Վարժարան (Լաթաքիա)



Ահաւասիկ տարուան ամենաշատ սիրուած եւ սպասուած տօնը՝
Կաղանղը, արդէն շատ մօտ է...

Մեծ ու փոքր կը պատրաստուինք եւ խանդավառ կը սպասենք այդ օրուան,
որպէսզի մեր ընտանիքին եւ սիրելիներուն հետ տօնական սեղանին շուրջ
նստինք, ուտենք, խմենք եւ ամենակարեւորն ու հաճելին, որպէսզի Կաղանղ
Պապային բերած նուէրները բանանք եւ մտերմիկ ժամանակ անցընենք:

Ինչպէս գիտենք, բոլոր մանուկները նամակ կը գրեն Կաղանղ Պապային՝
նշելով իրենց փափաքները, մաղթանքները եւ երազանքները:

Ես ալ այսօր, որպէս հինգերորդ դասարանի աշակերտուհի, որոշեցի
մաղթանքներս թուղթին արձանագրել եւ յանձնել Կաղանղ Պապային՝
յուսալով, որ ան կը կարդայ գրած տողերս եւ կ'իրականացնէ
մաղթանքներս: Առաջին հերթին առողջութիւն եւ խաղաղութիւն կը խնդրեմ
համայն ժողովուրդին: Կը մաղթեմ, որ այլեւս նեղ օրեր չապրինք: Ուրախ եւ
երջանիկ տարի մը դիմաւորենք:

Սալբի Գալայճեան
Ե. կարգ

Ազգ. Միացեալ Նախակրթարան (Հալէպ)

Շատ սիրելի՛ Կաղանղ Պապա,
Անսահման կարօտով եւ անհամբեր
կը սպասեմ գալուդ: Գիտեմ, որ կը լսես
մեր խնդրանքները եւ հրաշքով
կը կատարես զանոնք: Այս տարուան
խնդրանքս տարբեր է, նուէրիս կողքին
կ'ուզեմ, որ մեզմէ հեռացնես ամէն
տեսակի չարիք, փոխարենը խոշոր
տոպրակին մէջ լեցուր սեր,
ուրախութիւն, առողջութիւն,
խաղաղութիւն եւ լաւ բաներ,
առատապէս բաշխէ աշխարհի բոլոր
մարդոց, որպէսզի ուրախութեամբ,
նոր յոյսերով ու իղձերով դիմաւորենք
Նոր Տարին:

Թող տօնական խնդրութիւնն ու
բերկրանքը լեցնեն բոլոր
մանուկներուն սրտերը եւ
ուրախութեամբ ապրին ամբողջ
տարին:

Սարգիս Առաքելեան
2. կարգ
Ազգ. Միացեալ ճեմարան
(Դամասկոս)

Շատ կը սիրեմ քեզ, Կաղանղ
Պապա,
Անհամբեր կը սպասեմ գալուդ,
որ նուէրներովդ ուրախացնես մեզ:
Արդէն մեծցած եմ մէկ տարի
ալ, դա ս եր ս լ աւ ա պ է ս
կը պատրաստեմ, հնազանդ ու
բարի եմ:

Այս տարի նուէրներուդ հետ բեր
նաեւ շատ սեր եւ երջանկութիւն, որ
աշխարհի բոլոր մանուկները
ուրախութեամբ լեցուն Նոր Տարի
մը ունենան:

Նարեկ Լափայեան
2. կարգ
Ազգ. Միացեալ ճեմարան
(Դամասկոս)





Սիրելի՛ Կաղանդ Պապա,
Ամեն տարուան պես այս տարի ալ փոքրիկները անհամբեր կը սպասեն քեզի, որ զիրենք ուրախացնես եւ նուէրներ բերես:

Ես ալ իրենց նման քեզի կը սպասեմ, որ Ամանորը տօնենք եւ ուրախ ժամանակ անցընենք միասին, երգենք, պարենք, եւ զուարճանանք ու մանաւանդ նուէրներ ստանանք:

Բայց Կաղանդ Պապա, նուէրներուն կողքին չմոռնաս հետոյ բերել առողջութիւն, համերաշխութիւն, հաշտութիւն, յաջողութիւն եւ խաղաղութիւն մանաւանդ Հայաստանին, Արցախին եւ Սուրիոյ:

Թող ոչ մէկ մանուկ մնայ անտուն, տխուր, հիւանդ կամ անօթի: Մեծ ու փոքր դիմաւորենք Նոր Տարին ամենալաւ պայմաններով՝ ընտանիքներով, հարազատներով եւ սիրելիներով շրջապատուած:

Քեզ անհամբեր սպասող՝
Ժողովուրդի Զահրէճեան
Ե. կարգ

Ազգ. Միացեալ Նախակրթարան
(Հալէպ)

Սիրելի՛ Կաղանդ Պապուկ,
Ահա եկաւ Նոր Տարին երգ ու տաղով, այցելութեանդ ուրախ լուրը տարածեց ողջ աշխարհը: Սիրասուն մանուկները խինդ ու ծիծաղով անհամբեր կը սպասեն քեզի եւ գեղեցիկ նուէրներուդ: Ի՛նչ ազնիւ ու բարի հոգի ունիս, Կաղանդ Պապուկ, մեզ երբեք չես մոռնար, ամեն տարի կ'այցելես եւ առ ա տ - առ ա տ ն ու էր ն եր դ կը բաշխես բոլորիս՝ ըլլանք բարի, թէ չարաճճի: Արդէն շատոնց զարդարած եմ մեր տան տօնածառը, գունազեղ ժապաւեններով, պսպղուն լոյսերով ու զանգակներով, եւ պատրաստ եմ ընդունելու քեզ, որ ներկայութեամբդ աւելի շերմացնես մեր տան մթնոլորտը:

Կը փափաքիմ, որ աշխարհին մէջ տիրէ խաղաղութիւն, սեր եւ ուրախութիւն: Թող Նոր Տարին իրականացնէ բոլորին բաղձանքները: Աստուած պահպանէ եւ օրհնէ ընտանիքս ու հարազատներս:

Սոնա Պաղտասարեան
2. կարգ

Ազգ. Միացեալ Ճեմարան
(Դամասկոս)

Կաղանդ Եր: Առտու կանուխ արթնցայ այդ օրը: Զէ՛ որ Կաղանդ Պապան այցի պիտի գար մեզի եւ խնդրած նուէրս բերեր:

Օրեր առաջ արդէն տօնածառը գրաւած էր հիւրասենեակին մէկ անկիւնը, գոյնզգոյն զարդերով ու պսպղուն լոյսերով Նոր Տարուան ուրախ լուրը կ'աւետեր, ու Նոր երազանքներով կը լեցներ մեր հոգիները:

Դուրսը կը տիրէր հեքիաթային գեղեցկութիւն մը:

Փողոցներն ու մայրերը, ծառերուն մերկ ճիւղերն ու ծաղիկները սպիտակ զգեստ հագած էին, ձիւնը պատած էր չորս դին ամբողջ: Դուրսի ձիւնապատ տեսարանը եւ ներսի շերմ մթնոլորտը իրարու խառնուած հոգիս պարուրեցին անսահման ցնծութեամբ: Սակայն ցուրտ ու պաղ եղանակը մղեց զիս մտածելու, այն բոլոր որք ու աղքատ մանուկներուն մասին, որոնք թերեւս տաքուկ հագուստներ կամ ուտելիք չունին:

Ես թանկարժէք նուէրներ չեմ ուզեր Կաղանդ Պապայէն, այլ կ'ուզեմ, որ այցելէ անպաշտպան մանուկներուն եւ ուրախացնէ զանոնք իր նուէրներով, որպէսզի աշխարհի բոլոր մանուկները սեր, ուրախութիւն եւ գուրգուրանք վայելեն գէթ Նոր Տարուան գիշերը:

Հայկ Այնթապլեան
Է. կարգ

Ազգ. Միացեալ Ճեմարան (Դամասկոս)

Շնորհաւոր Նոր Տարի եւ Ս. Ծնունդ

Ահաւասիկ 2022 տարին կը հասնի իր աւարտին եւ շուտով կը մօտենայ տարուան ամենէն գեղեցիկ ու սիրելի տօնը՝ Ամանորը:

Արդէն շատոնց զարդարած ենք տօնածառը, որուն տակ գետեղած ենք Յիսուս Մանուկին ծնունդը աւետող քարայրը եւ փայլուն աստղը:

Սիրելի՛ Կաղանդ Պապա, թանկարժէք նուէրներ չեմ ուզեր, միայն կը խնդրեմ, որ մեզմէ հեռացնես չար բաները եւ ուրախութիւն ու երջանկութիւն բաշխես ընտանիքիս անդամներուն եւ աշխարհի բոլոր մանուկներուն:

Քեզ շատ սիրող՝
Թիթառ Փամպուքեան
2. կարգ

Ազգ. Միացեալ Ճեմարան (Դամասկոս)





Սիրելի՛ Կաղանդ Պապա,
 Եւ վերջապէս եկաւ սպասուած ամիսը: Տասներկու ամիսներէն ամենալուսաւոր, հետաքրքրական եւ փայլուն ամիսն է Դեկտեմբերը:
 Այս ամիս ողջ աշխարհը գեղեցիկ ու զարդարուած կ'ըլլայ:
 Փոքրիկները անհամբեր կը սպասեն, թէ երբ Ձմեռ Պապիկը պիտի գայ եւ վերջապէս ստանան իրենց նուէրները: Իսկ այս անգամ իմ խնորանքն է, բացի նուէրներէն խաղաղութիւն շնորհես Յայաստանին եւ բոլոր երկիրներուն: Պատերազմներէն միայն չարիք կը ծնի:

Հրանդ Կիրակոսեան
 2. կարգ

Ազգ. Միացեալ Նախակրթարան (Հալէպ)

Սիրելի՛ Կաղանդ Պապուկ,
 Ես եւ աշխարհի բոլոր փոքրիկները անհամբեր կը սպասենք քեզի, որպէսզի քեզ տեսնենք եւ ուրախանանք, որովհետեւ դուն շատ բարի ես եւ քու առատ նուէրներովդ բոլոր բարիները կ'ուրախացնես:

Բայց այս տարի ես միայն խաղալիքով չէ որ պիտի ուրախանամ: Կ'ուզեմ բոլոր չարերուն սրտերը մեղմացնես եւ սիրով լեցնես, որ աշխարհի մէջ սերը յաղթէ եւ բոլորս ուրախ, խաղաղ եւ առողջ ապրինք:

Քեզ շատ սիրող՝
 Հրանդ Բակոյեան
 Ե. կարգ

Ազգ. Միացեալ Նախակրթարան (Հալէպ)

Ես արդէն մեծցած եմ եւ Ձմեռ Պապուկէն ո՛չ մէկ բան կ'ուզեմ: Միայն կ'ուզեմ, որ մեր երկրին մէջ պատերազմ չըլլայ:

Կ'ուզեմ, որ մեր երկրին ու հայրենիքին մէջ տիրեն խաղաղութիւնն ու համերաշխութիւնը: Մեր երկիրն ու Յայաստան աշխարհը միշտ ըլլան հզօր, անկախ, ազատ եւ բարգաւաճ:

Մեր հայ զինուորները մնան առողջ, քաջ, անվախ եւ խիզախ, որպէսզի կարենան պաշտպանել մեր հայրենիքն ու ժողովուրդը եւ անփորձանք վերադառնան իրենց տուները:

Գառնի Սիրուն Քելադայեան
 2. կարգ

Ազգ. Միացեալ Նախակրթարան (Հալէպ)

Ահա մօտեցան Նոր Տարուան տօնական օրերը, երբ բոլորս անհամբեր կը սպասենք մեր սիրելի Կաղանդ Պապային:

Սիրելի՛ Կաղանդ Պապա,

Մենք բոլորս պատրաստ ենք քեզ ընդունելու եւ անհամբեր կը սպասենք, որ կատարես մեր բոլոր փափաքները: Հիմա, շատերուն նման, իմ ալ երազանքն է, որ խաղաղութիւն բերես բոլոր աշխարհին, երբեք պատերազմ չըլլայ, մարդոց սրտերը լեցուին սիրով եւ բոլոր մանուկները ապրին առողջ եւ ուրախ:

Իսկ մնացեալ ցանկութիւններս քեզի կը գրեմ միւս նամակիս մէջ, որ կը գտնես տօնածառին տակ:

Քեզ շատ կը սիրեմ եւ միշտ կը սպասեմ քեզի, իմ շա՛տ սիրելի Կաղանդ Պապա:

Շնորհաւոր ձեր Նոր Տարին:

Ալին Տալգլճեան
 Ե. կարգ

Ազգ. Միացեալ Նախակրթարան (Հալէպ)

Շատ սիրելի՛ եւ կարօտալի՛ Կաղանդ Պապա,

Ես այնքան կը սիրեմ քեզ, որ անհամբեր կը սպասեմ տարուան վերջին օրուան՝ Դեկտեմբեր երեսունմէկին, որպէսզի տեսնեմ քեզ եւ ուրախանամ քու գալուստովդ եւ ըսեմ քեզի «բարի եկար, հազար բարի, Կաղանդ Պապա»:

Այս տարի կը խնդրեմ քեզմէ, որ ինծի բերես վարդագոյն պուպրիկ մը, որ միշտ յիշեմ քեզի սիրով ու կարօտով:

Քեզ սիրող եւ անհամբեր սպասող՝
 Աննա-Մարիա Քըրքմզեան
 Ե. կարգ

Ազգ. Միացեալ Նախակրթարան (Հալէպ)

Սիրելի՛ Կաղանդ Պապա,

Կը փափաքիմ, որ մաղթանքներս կատարուին:

Կ'ուզեմ աշխատասէր, կոկիկ, սիրուն եւ կարգապահ ըլլալ:

Կը խնդրեմ, որ աշխարհի բոլոր ժողովուրդները խաղաղութեամբ ապրին:

Կը փափաքիմ, որ այս տարուան նուէրս ըլլայ իմաստալից բան մը, բայց այդ չեմ գիտեր, թող անակնկալ ըլլայ:

Վարդիթեռ Տաղլեան
 Ե. կարգ

Ազգ. Միացեալ Նախակրթարան (Հալէպ)





Տարուան ամենն շատ սիրուած եւ սպասուած տօները կը մօտենան՝ Կաղանդն ու Սուրբ Ծնունդը:

Այս տարի կը փափաքիմ, որ աշխարհին բոլոր երեխաները երբեք զրկանք չտեսնեն եւ միշտ ուրախ ըլլան: Կը մաղթեմ նաեւ սեր, առողջութիւն, յաջողութիւն եւ խաղաղութիւն աշխարհի բոլոր մարդոց:

Յովիկ Խաչերեան
2. կարգ

Ազգ. Միացեալ Նախակրթարան (Հալէպ)

Յարգելի՛ Կաղանդ Պապա,

Կը ցանկամ, որ նուէրի փոխարէն աշխարհիս խաղաղութիւն բերես, նաեւ կը փափաքիմ, որ իմ կարօտցած բոլոր հարազատներուս միանամ, որպէսզի Նոր Տարին ինծի համար դառնայ լաւ եւ ուրախ յուշերով տարի մը:

Քեզ անհամբեր սպասող՝
Լուսինէ Կարապետեան

Ազգ. Միացեալ Նախակրթարան (Հալէպ)

Բարեւ Կաղանդ Պապա, անուս Մայլա Նաճարեան է:

Ես 10 տարեկան եմ, Ե. կարգի աշակերտուի:

Շատ կը սիրեմ Կաղանդը: Իմ սիրած տօնն է, որ ամեն տարի ընտանիքիս հետ կը տօնեն: Միասին լաւ ժամանակ կ'անցընենք, երբ դուն ամեն տարի գաս՝ մեզի նուէրներ կը բերես: Այդ նուէրները մեզ շատ կ'ուրախացնեն: Դուն շատ բարի անձ մըն ես, Կաղանդ Պապա: Ես քեզ շատ կը սիրեմ: Այս տարի իմ խնդրանքն է, որ առողջութիւն եւ սեր բաշխես բոլորիս:

Մայլա Նաճարեան
Ե. կարգ

Ազգ. Միացեալ Նախակրթարան (Հալէպ)



«ԿԿՈՒ» 2023-ի բացառիկը պատրաստեց՝ Մարմանդ Աշոտեան-Շահինեան

Նկարագարող եւ ձեւաւորող՝
Ռաֆֆի Քէշիշեան

